

REPUBULIKA Y' U RWANDA



MINISITERI Y'UBUTABERA

**INAMA NKURU Y'UBUSHINJACYAHA
P.O. BOX 160 KIGALI**

ITANGAZO RY'IBYEMEZO BY'INAMA NKURU Y'UBUSHINJACYAHA

Ku wa 29/04/2024, mu cyumba cy'inama cya Minisiteri y'Ubutabera, habereye inama isanzwe y'Inama Nkuru y'Ubushinjacyaha iyobowe na Minisitiri w'Ubutabera/Intumwa Nkuru ya Leta akaba na Perezida w'Inama Nkuru y'Ubushinjacyaha, Dr UGIRASHEBUJA Emmanuel.

Nyuma yo kungurana ibitekerezo no kwemeranya ku ngingo zari ku murongo w'ibyigwa, inama yemeje imyanzuro ikurikira:

- i.* Inama yemeje inyandikomvugo y'inama y'Inama Nkuru y'Ubushinjacyaha yateranye ku wa 12/02/2024, imaze kuyikorera ubugororangingo;
- ii.* Nyuma yo kugezwaho urutonde rw'abasabirwa gushyirwa mu myanya y'akazi itandukanye bapiganiwe, bakayitsindira; Inama yemeje Abashinjacyaha ku Rwego rw'Igihugu babiri (2), basabirwa kwemezwa n'Inama y'Abaminisitiri;
- iii.* Inama yemeje kandi abashinjacyaha n'abafasha b'Ubushinjacyaha basimbura abatari mu myanya nk'uko biteganywa n'imbonerahamwe y'imyanya y'imirimo y'Ubushinjacyaha Bukuru, mu buryo bukurikira:
 - Abashinjacyaha ku Rwego Rwisumbuye batanu (5);
 - Abashinjacyaha ku Rwego rw'Ibanze cumi na bane (14);
 - Abafasha b'Ubushinjacyaha ku Rwego Rwisumbuye cumi na batatu (13);
 - Abafasha b'Ubushinjacyaha ku Rwego rw'Ibanze cumi n'umwe (11).

- vi.* Inama yemeje Umufasha w'Ubushinjacyaha ukuriye abandi ku Rwego Rwisumbuye n'Umufasha w'Ubushinjacyaha mu Ishami rishinzwe Gukurikirana Ibyaha bimunga Ubukungu bw'Igihugu;
- vii.* Inama yemeje igihano cyo kwirukanwa burundu cyasabiwe Umushinjacyaha ku Rwego Rwisumbuye NDEGEYA Emmanuel wataye akazi;
- viii.* Inama yemeje igihano cyo kwirukanwa burundu cyasabiwe Umufasha w'Ubushinjacyaha ku Rwego rw'Ibanze MUNYAMBIBI Cedrick, ukurikiranyweho amakosa yakoze yo mu rwego rw'akazi anyuranye n'imitwarire ikwiye kuranga umufasha w'ubushinjacyaha, nyuma y'uko inama igejweho raporo ya Komisiyo ishinze imitwarire;
- ix.* Inama yahaye ububasha Umushinjacyaha Mukuru bwo gushyira mu mwanya umufasha w'Ubushinjacyaha watsinze ipiganwa ukurikira ku rutonde, nyuma akamenyesha Inama Nkuru y'Ubushinjacyaha, mu gihe hari umwanya ubonetse hatarashira amezi atandatu hatangajwe abatsinze kuri uwo mwanya;
- x.* Inama yamenyeshejwe Umushinjacyaha ku Rwego rw'Ibanze wasabye kandi akemererwa guhagarika akazi mu gihe kitazwi;
- xi.* Inama yamenyeshejwe aho ishyirwamubikorwa ry'ingengo y'imali y'umwaka w' 2023 - 2024 rigeze n'ibikorwa biteganyijwe gukorwa mu mwaka utaha w'2024 - 2025 ndetse n'ingengo y'imali izakoreshwa.

Inama yatangiye saa yine n'iminota makumyabiri n'itanu za mu gitondo (10h25') irangira saa sita n'iminota makumyabiri n'irindwi (12h27').

Bikorewe i Kigali, ku wa 29/04/2024